



TERTIB ACARA MODEL B KEBAKTIAN MINGGU
GKPS P.BULAN-RESORT POLONIA MEDAN
MINGGU 13 Dob Trinitatis, 14 SEPTEMBER 2025



TOPIK: “Marolob-olob Manjalo Parmulakni Anak na Magou”

1. Votum – Introitus – Tonggo

P : Riap ma hita jongjong!

: **Ibagas goran ni Naibata Bapa, pakon Tuhan Yesus Kristus ampa Tonduy Na Pansing, Sitompa langit pakon tanoh on. Amen.**

Pardear layak do Jahowa, benteng bani panorang hasosakan, anjaha itanda do na marhaporusan Bani (*Nahum 1:7*). Halleluya, Halleluya, Halleluya!

K : (*Mandodingkon*) Halleluya, Halleluya, Halleluya!

P : Martonggo ma hita!

Ham Tuhan Naibata, pargogoh na so tarimbang. Tunggung janah bonar do Ham. Ipatoruh Ham do na gijang maruhur, janah ipagijang Ham do na toruh maruhur. Ipangindo hanami hu Bamu, masuki janah togu Ham ma uhurnami marhitei Tonduy- Mu, ase unduk, toruh, saluju janah bujur hanami i lobei-Mu, sonai age i lobei ni haganup hasoman. Marhitei Anak-Mu Yesus Kristus Tuhannami, ipadas hanami tonggonami on hu Bamu. Amen. (*hundul kuria*)

2. Mandoding Hal. No306. Huamegahkon do in Tongtong (1-3) (do=C)

1. Huamegahkon do in tongtong: Jesus Tuhanku rupeihu tongon;
Au parsimada tinobus-Nin napinabayu ni Tonduy in
Marmegah-megah mandoding au, mamuji Jesus parholong in
Marmegah-megah mandoding au, mamuji Jesus parholong in.

2. Ondos ganupan na dear in, pasu-pasu-Ni na manggoki au
Songon doding ni malekat in, holong mamitah rap pakon au
Marmegah-megah mandoding au, mamuji Jesus parholong in
Marmegah-megah mandoding au, mamuji Jesus parholong in.

3. Sai hu ondoskon ma diringkon, ibagas Tuhan sonang uhurhon
Mangalo-alo parroh-Ni in, gok bai holong-Ni do goluhkin
Marmegah-megah mandoding au, mamuji Jesus parholong in
Marmegah-megah mandoding au, mamuji Jesus parholong in

3. Hasasapan ni Dousa

P : Riap ma hita jongjong! Martonggo ma hita, sopotkon hita ma dousanta hubani Tuhan Naibata!

Ham Tuhan Naibata Bapanami Pargogoh na so tarimbang sitompa langit pakon tanoh on. Na susi do Ham janah paridop ni uhur banggal. Lang namin talup hanami roh hu lobei-Mu, halani buei ni dousanami. Ai gati do hanami lang martenger ni uhur hu Bamu, agepe domma ihatahon Ham bannami, ase pitah Ham hansa Naibatanami, ulang marnaibata na legan. Tapi gati tumang do lang ihaporsayai hanami Ham marhitei na martenger ni uhur hanami bani na legan. Halani ai do ase roh hanami hu lobei-Mu, mansopotkon dousa pakon panlanggaronnami. Holong ma atei-Mu, sai marpangulaki ma uhur-Mu mangidah hanami, sasap Ham ma dousanami anjaha patotap Ham ma haporsayaon ampa tenger ni uhurnami hu Bamu. Roh hanami mangindo ibagas goran ni Anak-Mu Yesus Kristus, Tuhan janah sihopkop hanami. Amen.

P : Tangar anjaha haporsayai hita ma Hata ni Naibata, bagah-bagah pasal hasasapan ni dousa.

Jahowa, Jahowa do Naibata pardear layak anjaha paridop ni uhur, nanget manringis, anjaha gok holong ni uhur-Ni pakon habonaron-Ni, na pahotkon holong ni uhur-Ni hubani halak marribu-ribu, anjaha na manasap hajahaton, panlanggaron pakon dousa. (*2 Musa 34:6-7a*)

P : Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

P/K : Amen!. (*hundul kuria*)

4. Mandoding Hal. 149. Ham Sipagoluh Au (1+3) (do = ES)

1. Ham Sipagoluh au parayak Ham au on.

Sai ulang Ham mandaoh humbagas uhurhon.

Roh Sipagoluh roh tongon, baen Ham au Anak-Mu tongon

Bani daroh-Mu usah au, putih songon bunga ma au

Putih tongon, putih tongon,

bani daroh-Mu usah au, putih songon bunga ma au.

2. Gogoh ni daroh in, patorang bangku on

Tonduy pargoluh in, manogu au tongtong

Roh Sipagoluh roh tongon, baen Ham au anak-Mu tongon

Bani daroh-Mu usah au, putih songon bunga ma au

Putih tongon, putih tongon

Bani daroh-Mu usah au, putih songon bunga ma au

5. Hata Haporsayaon

P : Riap ma hita jongjong! Saksihon hita ma haporsayaonta in, songon na sinaksihonni haganup halak na porsaya i sab tanoh on.

P+K: Ahu porsaya bani Naibata Bapa, pargogoh na so tarimbang, na manompa langit pakon tanoh on.

Ahu porsaya bani Yesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei Tonduy na Pansing, na manaron na parngit, bani panorangni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei.

Ahu porsaya bani Tonduy Na Pansing, bani Kuria parsadaan na mapansing in, parsaoan ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen..(*hundul kuria*)

6. **Mandoding Hal. 310. Ge Daoh Ponop Openi (1+2) (do = BES)**

1.Ge daoh ponop openi ujungni dalankin
Tuhan do manogu ahu bani pardalanankin
Bahen Ham au pambalosi bani ganup rosuh-Mu
Lang be sangsi janah gobir sai totap porsaya au

2. Tuhan ulang au paturut manontuhon langkahkin
Pitah Ham ma hutangihon bai ganupan goluh on
Bai ganup hahuranganku pakon pardousaonkin
Togu-togu Ham ma ahu das hubani ujungnin

7. **Tingting + Tonggo Pangapition**

8. **Mandoding Hal. 238. Sai Hu Lobei-Mu Tuhanku (1+3) (do =BES)**

1. Sai hulobei Mu Tuhanku, hu useihon uhurhon
Sai pasiat Ham tonggongku, pakon ganup iluhkon

2. Husolsoli do uhurhu nagok dousa in tongtong
Ai buei ari-aringku huparambur-ambur tong

9. **Ambilan: JEREMIA 3: 14-18**

10. **Manggalang**

P: Paima iondoskon hita galanganta, tangar hita ma lobei hata ni Naibata na gabe onjolan banta laho manggalang aima na tarsurat bani **Heber 13:16: “Mambahen na madear ampa na marsibere- bere, ulang ma halupahon nasiam ai, ai galangan na sonai do iharosuhkon Naibata”**. Sonari ondoskon hita ma galanganta! *(diiringi musik/doding)*

ANAK NAKAHOU

Sai songon ursa nahorahan tene, bai sampalan nadargis in
Lungunan janah sai siholan do in, bai bah pakon hubungan in
Usih sonai ma au Tuhan
Siholan au bai holongMu
Ai domma loja au Tuhan halani pardosaonkin

Ai Borat tumang do huahap Tuhan
Mardingat bai parlahouhin
Hotop do hutangar namin podahMu
Marhitei juak juakMu
Lang huhorjahon in Tuhan
Podah na itonahkon Ham
Ai na bajan do haganup
Horjakku na sadokah on
Roh do au nuan, manrogob au ilobeiMu
Mansopotkon dosa mangindo idob uhurMu
Jalo ma au Tuhan padaoh Ham ma ringisMu
Paluah ma au sai jalo ma au rapkon Ham

Reff;
Togu ma au ale Tuhan ajari au bai goluhkin
Ase ulang sai tartuktuk au bai dalankin
Paborsih au ale Tuhan humbani pardosaonkin
Ase maluah au hunbai hagolapan in
Sai roh ma Ham oh Naibata
Boan ma au bai dalanMu
Holong ma Ham bangku anak nakahou on

11. **Tonggo Panutup/Pasu-pasu**

P : Riap ma hita jongjong!
Martonggo ma hita mangondoskon galanganta hubani Naibata:
Ham Tuhan Naibata, Bapanami, pardear layak janah na unjah hu bannami.
Tarima kasih ma hatahononnnami hu Bamu, halani tongtong do ipasu-pasu Ham goluhnami. Domma ihasomani Ham hanami janah ipasu-pasu Ham horjanami das hubani sadari on. Sonari, ibagas malas ni uhur roh do hanami mangondoskon buah ni horja na dob pinasu-pasu-Mu in gabe galangan hatarimakasihon pakon puji-pujiannami hu Bamu. On pe sai jalo Ham ma galangannami on, bahen hasangapon ni goran-Mu janah mambahen lambin marhataridahan harajaon-Mu i dunia on. Ibagas goran ni Anak-Mu, Jesus Kristus Tuhannami, jalo Ham ma tonggonami on. Amen.

P/K : *(Mandodingkon)* **Haleluya 12:3 (do=as)**

3. Tonduy, daging uhur ampa gogoh nin,
Ulang bai na sambor, sai Bamu ma in!
Ningon gok Bamu ma au hinopkop-Mu.
Ase saud martuah au jabolon-Mu.

12. **Tonggo Ham Bapa Nami**

P. Ham Bapanami na i nagori atas. Sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou.
K. *(mandodingkon)* Ai Ham do simada harajaon, pakon hagogohon, ampa hasangapon sadokah ni dokahni. Amen.

S

A

T

B

1	1	.	3	4	5	5	3	4	5	.	5	.
5	6	.	1	1	2	<u>5 4</u>	<u>3 2</u>	1	<u>7 1</u>	<u>2 1 7</u>	1	.
3	3	.	6	6	7	<u>1 7</u>	<u>5 8</u>	6	<u>2 3</u>	<u>4 3 2</u>	3	.
1	6	.	<u>6 5</u>	<u>4 3 2</u>	<u>5 4</u>	<u>3 2</u>	<u>1 7</u>	<u>6 2</u>	5	.	1	.
<i>Ai Ham do si ma da ha ra ja on</i>												
<i>Kar - na Eng - kau pu - nya ke - ra - ja - an,</i>												

S

A

T

B

5	5	5	5	1	.	5	.	5	5	5	5
3	4	<u>5 1</u>	<u>7 1 2 7</u>	<u>1 3</u>	<u>4 6</u>	5	.	3	4	5	3
<u>1 7 6</u>	<u>7 6 5</u>	<u>1 5</u>	<u>2 3 4 2</u>	<u>3 5</u>	<u>6 7 1 2</u>	3	.	<u>1 7 6</u>	<u>7 6 5</u>	1	<u>5 6 8 5</u>
1	2	3	5	1	.	1	.	1	2	3	1
<i>Pa kon ha go go hon am pa ha sa</i>											
<i>dan ke - ku - a - sa - an, dan ke - mu - li -</i>											

S

A

T

B

6	.	3	3	4	4	4	3	.	1	.	2	.	.	1	.	.
1	<u>2 1</u>	7	8	2	2	2	7	1	.	6	6	.	7	.	5	.
6	4	8	6	6	6	5	5	5	.	3	.	4	.	.	3	.
4	2	3	6	2	1	7	5	<u>1 2 1 7</u>	<u>6 5 4 3</u>	<u>2 . 3 4 5</u>	.	1	.	.		
<i>nga pon sa do kah ni do kah ni A men</i>																
<i>a an, sam-pai sla - ma la - ma - nya, A - min.</i>																

13. Paingkatkon

P. ” Laho ma nasiam, janah ihatahon Tuhan in do homa hubanta, “Bolag do namin sabion, tapi otik do siparhorja. Ai pe pindo hanima ma bani Simada sisabion in, ase isuruh siparhorja bani sisabionni in” (Lukas 10:2)

14. Pasu-pasu

- P. **Jalo ham (hita) ma pasu-pasu humbani Tuhan Naibatanta:**
Ipasu-pasu anjaha iparorot Tuhan Naibata ma ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakkon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduymu (tonduyta bei). Amen.

P+K. **Amen, Amen, Amen!.** (mandodingkon)